

永嘉禪宗集註  
證道歌註

合刊

唐永嘉沙門 元覺撰

永嘉禪宗集註  
證道歌註

合刊

江苏工业学院图书馆  
藏书章

唐永嘉沙門 元覺撰

普為出資及讀誦受持 輾轉流通者迴向偈曰

歡  
迎  
翻  
印  
功  
德  
無  
量

法界諸含識	風雨常調順	現眷咸安樂	讀誦受持人	悉皆盡滅除	所有刀兵劫	增長諸福慧	願以此功德
同證無上道	人民悉康寧	先亡獲超昇	輾轉流通者	人各習禮讓	及與飢饉等	圓成勝善根	消除宿現業

免  
費  
贈  
閱  
嚴  
禁  
販  
售

本會接受委託 代印經書 相關事項請電洽




- ❖ 出版/社團法人 高雄市淨宗學會
- ❖ 製作/高雄淨宗學會 編輯組
- ❖ 贈送處/高雄市鹽埕區七賢三路236號
- ❖ 電話/(07)521-9988
- ❖ 郵撥/41635731
- ❖ 戶名/高雄市淨宗學會
- ❖ 淨空法師專集有聲版網址

<http://www.amtb.org.tw>  
<http://www.chinkung.org>

2007年4月印贈2000本

中國五千年傳統文化是世界人類  
共有的智慧寶藏應知應當學


祥淨室



養喜神為招

福之本去殺機  
為遠禍之方

古時年七十八





# 永嘉禪宗集註

唐永嘉沙門元覺撰  
明天台山幽溪沙門傳燈重編并註

◇ 永嘉禪宗集註序 ————— 一

◇ 無相大師行狀 ————— 六

◇ 永嘉禪宗集註 ————— 九

皈敬三寶第一 ————— 一三

發宏誓願第二 ————— 一七

親近師友第三 ————— 三〇

衣食誠警第四 ————— 三六

淨修三業第五 ————— 三九

三乘漸次第六 ————— 六二

事理不二第七 ————— 八六

簡示偏圓第八 ————— 一〇三

正修止觀第九 ————— 一一九

觀心十門第十 ————— 一五四

## 永嘉真覺大師證道歌註

唐永嘉沙門元覺撰  
宋舒州沙門彥琪註

◇ 證道歌註并序 ————— 一七三

◇ 永嘉真覺大師證道歌註 ————— 一七四

◇ 《永嘉禪宗集註》表解資料 ————— 二五五

# 永嘉禪宗集註序

噫。甚矣哉。含生昏動之為病也。日則擾擾以勞其神。夜則寤  
寤以蔽其靈。譬鉛槩ク以割泥。泥無所成。而槩就日損。醇醪カ以解醒  
。醒無所解。而明就日蒙。既以生生而漸就其死。亦以死死而轉勞  
其生。三界輪迴。何時已矣。六道昇沉。無日暫停。言之實增太息  
。思之誠可流涕者矣。將受形于宇宙。稟質于陰陽。隨氣運之開闔  
。逐歲時之迎將。故曰往暮來。天地之一大昏動也。春生冬藏。陰  
陽之一大昏動也。出作入息。人身之一大昏動也。晝醒夜眠。此心  
之一大昏動也。乍憶乍忘。剎那之一大昏動也。慨人生以暮夜之小  
死。博重泉之大睡。以晨興之小生。致將來之勞生。噫。昏動之勞  
于生。不亦甚乎哉。然而果天地陰陽之。使我其然耶。抑吾性覺妙  
明之使天地陰陽其然耶。苟先本而後末。則吾將宗之楞嚴矣。經曰



。性覺必明。妄為明覺。晦昧為空。空晦暗中。結暗為色。色雜妄想。想相為身。聚緣內搖。趣外奔逸。昏擾擾相。以為心性。則先性靈而後天地矣。苟先末而後本。則吾又將宗諸中庸。中庸曰。天命之謂性。率性之謂道。宋儒又曰。天生萬物。唯人最靈。則先天地而後性靈矣。苟將謀其合而同之。會而歸之。則必又有乎所指。中庸則曰。致中和。天地位焉。萬物育焉。楞嚴則曰。一人發真歸元。十方虛空悉皆銷殞。生育銷殞。旨雖不同。先本後末。其歸一揆。第世人昧之弗覺。迷而忘反。不為之苦。而反為之樂。不為之病。而反為之藥。且曰。道在其中。其如煩惱生死何。道不終否。過億萬斯年。而有覺聖人者。出生天竺國。號釋迦文。脩行曠劫。道成一生。其為法身也。含裹十虛。其為智慧也。互通三際。復明靜以為其體。起醒寂以為其用。揭慧照于昏衢。長夜不能翳其明。回寂定于塵網。萬物不能擾其清。天地之所不能覆載。陰陽之所不能遷移。往哲所謂能天能地。能陰能陽。能為萬物宰。不逐四時

凋。不徒空譚其理。實能克復其本。亦唯佛而已矣。或繇是以放光動地。由是而絕跡潛神。由是而靈驚雷音。繇是而摩竭掩室。以說以默。即體即用。莫非弘揚定慧之宗。闡明止觀之法。蓋藥緣病生。神因藥返。既以惺寂而治其昏動。又以定慧而復其明靜。雖千佛而不能異其因。群聖而不能殊其致者矣。自靈山授記。霜樹潛輝。道逐緣興。燈傳迦葉。十三傳而至龍樹。二十三傳而至師子。龍樹者。法中香象。人中大龍。既以智度闡般若之宗。復用中論傳智度之旨。論度淮河。慧文穎悟。遙宗龍樹。創為心宗。以是而傳于南嶽。嶽七年方等。九旬常坐。一時圓證。以是而傳于天台。天台靈山夙聞。大蘇妙悟。以無礙智。縱辯宣揚。已宗法華而為之教。更闡止觀以為之行。解行兩善。目足兼美。讚者曰。智者具八相以成道。人稱為東土小釋迦。止觀立十法以為乘。義合乎西天大佛頂。洵實德也。豈虛語哉。天台傳章安。章安傳法華。法華傳天宮。天宮則真覺大師之所承嗣者也。師從止觀悟入。淨名旁通。南印曹溪

。師資道合。則此集者。乃大師還甌江時之所撰所述。以明授受之際。心宗的旨。是以一言三復。諄諄止觀。其所發明。亦可謂之詳矣。於戲。夫性以不二為宗。心以無差為旨。此禪教之所公共者也。果離教而有禪耶。離禪而有教耶。淨名曰。無離文字以說解脫。仁王曰。總持無文字。文字顯總持。合是一說。余將進之以山河及大地。一法之所印矣。然而道猶水也。傳猶流也。始則合而未離。吾將質之釋迦。同耶異耶。中則離而未合。吾將質之諸禪教。得道諸祖。同耶異耶。末則離而復合異而歸同。吾又將質諸真覺大師之為是集矣。余謂微此集。則禪教始終而不合。微此旨。則如來心宗卒不明。然則異之者跡也。同之者本也。迷之。則執跡以忘本。悟之。則得本而略跡。本跡兼泯。禪教兩融。余又將質諸永明大師之宗鏡矣。茲因注次。序而原之。讀者請去跡以求本。則止觀之道得矣。馬僧摩正眼居士。永嘉之繼起者也。意謂微余天台雲。仍莫能盡大師止觀之旨。故不遠致書。索余注出。其用意亦可謂之勤矣。

并志其所由來。庶了知是注之顛末云。

皇明天啓二年。歲次壬戌。孟秋哉生明。天台山幽谿沙門傳天台教  
觀遠孫傳燈。著于楞嚴壇之東方不瞬堂。

# 無相大師行狀

翰林學士朝散大夫行左司諫知制誥同修國史判史館事柱  
國南陽郡開國侯食邑一千一百戶賜紫金魚袋 楊億 述

溫州永嘉玄覺禪師者。永嘉人也。姓戴氏。四歲出家。遍探三藏。精天台旨觀。圓妙法門。於四威儀中。常冥禪觀。後因左谿朗禪師激勵。與東陽策禪師同詣曹溪。初到振錫攜瓶繞祖三匝。祖曰。夫沙門者。具三千威儀。八萬細行。大德自何方而來。生大我慢。師曰。生死事大。無常迅速。祖曰。何不體取無生。了無速乎。曰。體即無生。了本無速。祖云。如是如是。于時大眾無不愕然。師方具威儀參禮。須臾告辭。祖曰。返太速乎。師曰。本自非動。豈有速耶。祖曰。誰知非動。曰。仁者自生分別。祖曰。汝甚得無生之意。曰。無生豈有意耶。祖曰。無意誰當分別。曰。分別亦非意。祖歎曰。善哉善哉。少留一宿。時謂一宿覺矣。策公乃留師。翌日

下山。迴溫江。學者輻湊。號真覺大師。著禪宗悟修圖旨。自淺之深。慶州刺史魏靜。緝而序之成十篇。目為永嘉集。及證道歌一首。並盛行于世。其辭曰。



# 永嘉禪宗集註

明天台山幽溪沙門傳燈重編并註

題目五字。應從正安。先人後法。稱為永嘉禪宗集。如天台止觀之類。舊集者。先法後人。蓋倒置也。永嘉。則大師所生之地。乃以處而彰人。禪宗。則大師所說之法。乃以度無極而為旨。梵語禪那。此翻靜慮。亦云思惟修。名當六度之一。體為萬行之都。蓋禪那屬定。般若屬慧。此約法相差別而言之也。即定而未嘗不慧。即慧而未嘗不定。此約體性無差而言之也。如下文明奢摩他。當定而兼言寂照。有曰。寂寂惺惺是。無記寂寂非。非定即慧乎。例毘婆舍那。當慧。優畢叉。當止觀等。莫不寂照雙融。止觀互用。正以定體融通。止即是觀。是以一部言詮。友以修法。莫不雙宗定慧。及以靜明。為見性之所宗。成佛之所主。釋迦如來四十九年究竟指歸。歸乎此也。南嶽天台。祖祖相傳。傳乎此也。真覺大師天宮悟入。悟入乎此也。南往曹溪以求印可。印可乎此也。洎歸東甌。利益道俗之所演說。演說乎此也。從茲悟入。是為圓頓上乘。異此修行。是為小乘外道。末世行人。可不崇諸。



## 唐永嘉沙門元覺撰

唐者國號。高祖神堯皇帝名淵。字淑德。姓李氏。隴西成紀人。西涼武昭王暕之後。祖虎。仕西魏有功。封隴西公。父昭。於周世封唐公。淵。襲封唐公爵。隋末起兵。受恭帝禪。以土德王天下。建都長安。國號大唐。師生於太宗朝。歿於睿宗朝。為天宮之弟子。與左溪朗公東陽策公同師。永嘉。郡名。漢稱東甌。晉改永嘉。宋元皆稱溫州。以其地多溫水和故名。至今東有溫嶺。西有溫溪。皆永嘉屬境。沙門梵語。具云娑迦遜那。今略云沙門。出家之士。勤修戒定慧息滅貪嗔癡。所謂息心達本源。故號為沙門。師字元覺。諡真覺大師。姓戴氏。帆遊人。出家遍探三藏。精天台止觀圓妙法門。四威儀中。常冥禪觀。因左溪朗公激勵。遂與東陽元策禪師。同詣曹溪見六祖。其問答機緣。具楊文公億。所述行狀。觀其逞辯機警。雖曰印可於曹溪。實悟入於天宮。故其所述法門。一依三觀。池深花大。益可知矣。師有妹。名元機。亦出家悟道。傳載傳燈錄。

○釋此集文。大分為二。初總標十章。二別明十義。先釋總標十章為二。先正